

金鎖流珠引卷二之三

思二

金鎖流珠引卷之二 三同

思二

中華總真太極拳張道陵趙昇真白命李仲甫茅盈許素等係心撰述

中華仙人李淳風注

三步九跡圖

此圖老君授禹禹步三步九跡註禹躡前地

紀順倒返三事訖即先兩足不論禹步小大二事不用便履斗但依圖存用之





右左右禹步求長生剋災害等用之

後聖君告天師初為飛天網躡地紀禹步翻

為九跡亦中斗數也順倒反三遍也註三遍


履不如三網三度作禹步左右作之若急速

欲之得力但三步履舊網左右各一遍男童

左女童右註左右訖更須一重遍是三

代順倒反三遍也如若收凶惡行兵之法欲恐

有災於身步二十八宿之禹步而出之百步
 網訖三十五日之內驗於水火註按老君告
 禹初授蹻斗成後但禹步耳



二十八宿禹步
 甲子訣右手
 甲子訣左手
 甲申訣男左女右
 甲寅訣男左女右
 甲午訣男左女右
 甲戌訣男左女右
 甲辰訣男左女右
 甲酉訣男左女右
 甲卯訣男左女右
 甲未訣男左女右
 甲丑訣男左女右

二十八宿後聖授王君也先從北斗而起次
東斗次南斗次西斗畢登中斗而不履真人
星夫履北斗求請法捻甲子訣東斗捻甲寅
訣南斗捻甲午訣西斗捻甲申訣中斗捻甲
戌甲辰訣此是隨方斗訣也修行長生以朱

思二

二

墨塗司命訣目不者即五色絲縛之即步綱
三年成地真以至通司命來下與除死籍註
甲子等金命人以丙午丁巳爲司命木人以
庚申辛酉爲司命水人以戊辰己未爲司命

火人以壬子癸亥爲司命土人以甲寅乙卯

為司命修行用

凡此步網三等畢即誦後九祝註祝訖存二
十八宿於身如圖圖在金鎖第三中元圖中
後十二祝三祝入前誦亦須列其名
第一一行一過祝

思二

三

昔受玄師教我步網所求者得云云散行一
轉網外捻禁鬼訣及遊師訣

第二行網一過註祝步斗祝曰

五行相推云云步斗二捻隨命配宮訣

第三行網行紀註步斗二過

五行相推云云檢天關訣少時

第四三步向魁躡紀一過註步三過倒行也

祝曰

昔受玄師教我躡紀步綱云云檢都禁都師

目受玄師教我躡紀步綱云云檢都禁都師

第五三步向魁躡紀一過註三過步從第七

星向魁星是也祝曰

三五作緯中有經曰炁云云消災目金人災

在火

第六務魁一過刺躡凶惡魂鬼五行之災害

身已者還擊註金木水火土金常畏火為鬼
故步網剋火求土為當救之福却禍也祝用
五行祝祝曰青靈曰承云云商災目金入災
五行相推網最持威云云捻鬼目註祝後添
今日務魁萬事皆宜刺有圖上魂下鬼註此

伐凶惡也不妄行若修長生即上為三元註
天地水中鬼下是五行剋我身者常以步躡
消之註為五行要有王相衰厄若為災害雖
有其聲而無其形故能久行永得長生餘祝
刺者皆同此解說左足躡魁星刺鬼左足又

丁行存如坐至魁星向魁刺凶註捨凶鬼目
及力支下用左手拳擊如重一十五斤上用
右手註准上

第七務魁一過刺躡還祝從網頭步第一星
第二星註思左手劍刺五行相剋之凶等解

思二

四

災又上到四星止捉凶打七拳註拳重十五
斤祝曰

五行相推網最持威六紀云云捨五行官相
生我身訣并司命等二訣吉別用入兵爲人
佐國任別存擊不得妄行小小者凶惡不得

躡用天機

第八步綱一過躡紀還刺從第七星倒步至
魘第三星捉天殺惡鬼與我身不相宜者左
拳右蹋蹋重二十五斤九拳十蹋蹋足祝曰
五行相推綱最持威六紀云云捻左手第三

指甲下三官天殺鬼目

第九步綱一過躡紀還刺左手把劍右手把
頭刺惡鬼三尸欲謀殺我身者可存禹步收
捉得以刺耳九過左膝槌之七下即斬之祝

曰

五行相因剛最先嗔云云捻天鬼目左手第
四指第二節右邊不正節心唯在右邊是也
若治惡魂亦如之即可三刺耳三搥止註如
過逆即任意

第十左足躡網至網頭左右躡紀還註第九

思二

五

第十總須躡紀第九右脚躡紀紀第二星也

第十左脚躡第四星消天災地災凶惡鬼左

足躡第一星至網頭坐第六星鬼在網內第

一星內刺之左刺九下右刺十下祝曰

五行相推云云捻鬼目正中心左手第四指

第二節此法第一能消口舌速於水火

第十一右足躡網至網頭左右刺躡紀還迴
身西面履魁星至網頭左手把凶惡邪精頭
右拳十下下有註十五斤重祝曰凶惡邪精
五託身三五之中云云訣左手第四指第一

根節縛節當禹步此網三年天下邪病人以
將符遙治之邪鬼自被符吏誅斬應時差愈

註若欲追之以手遙指其方遙指帖社廟追
來第十二註從魁裏散步網頭以左足登天

關上丹元右轉向網左躡紀還至魁左上陽

閱式古精華

明左右報擊此步以收五行不宜我命者災

衰

天地水三官凶惡之鬼以右手倒懸左手為

拳拳十五下註下重十五斤擊鬼步畢埋鬼

天橋下存天橋星在北西存祝曰

五行相推金木相伐水火相滅云云捨鬼刀

支訣在流珠掌圖此祝及前十一祝甚能除

家國祲崇并疾病厄有須消之從初祭告周

帛先誦五祝及十二祝啓自滅應口除須履

三台五星各三遍萬事無能害者即言功

右初言魁頭擊祝事訖言功東向鳴鼓十二
通口啓註案文亦得不必口啓臣則玄謹請
天師女師云云文在流珠上卷中此法後聖
授天師天師係代相傳付行之一年萬妖伏
二年萬兵畏三年長生天下萬鬼千神皆自
賓伏註有人雙修直至十四年有人行此法
三四年通神驗後即不為但飛天綱而已要

思三

六

除災害驅使主兵使為之速於水火之急也

昔王君長雙修十年便昇天真若飛天綱躡
地紀失一則萬無成事須先從地紀授後乃

依法直到天綱三日三夜九時行道方始得
周非人不傳此書欲傳師皆前試之以作嗔
忤色惡言罵辱之不動心色乃可付授書寫

金鎖流珠引卷之二

金鎖流珠引卷之三

中華總真仙掌房早張道遠題昇平真命李儒弟盈許秀等後撰述

中華總真仙掌房早張道遠題昇平真命李儒弟盈許秀等後撰述

初受三五法

夫志人受法錄初受三五之法未知其理分

別三者三元註上中下三元前聖老君謂之

太一註出太玄故曰太一太極真人受之於

太上老君分符破契以盟二天師與弟子同

在壇中一一唱將軍姓名而度弟子唱受受

後不得妄行元勅令刺手血以為水水和之

思二

七

師弟子飲之為盟各下髮為結結環為誓約

約不背師反道及背三官當以考召其身吏

兵先坐其罪可不慎之謹其身故為盟誓也

之法籙本有一千七百九十卷以太一為名

謂之天教三者名曰三元籙五者名曰五行

籙其三五之法則爲上中下三等法也修真
道之部上部天人所修中部神仙所修下部
世人所修故從三元而修上至天真中至神
仙下至人仙世人屬居下界故先真仙下法
所修進中上也此書上極畢上部中極中部
下極下部號曰太一三五金籙玉籙內典註
後聖改爲正一之法名曰金鎖流珠也後聖
君傳授正一真人註張天師是也號正一真
人便因名三五正一爲號三者是三元五者
是五行也天地之精亦人之五靈註五行在

天爲五星在地爲五嶽在人爲五藏若能存
思安鎮五藏五行神常備具則堅牢不敗不
壞便是真人長生不死謂之曰五靈也能明
三五法即得長生此正一法籙本一千七百
九十卷三千六百二十四階後聖君以爲三
元部之上部名曰上元主天註應是天上大
真大神大仙之衆皆有籙掌主也置三大將
軍籙部領一千三百六十階籙註二百二十

四階傳於下土洞天中足一百二十階出世
世人得是者皆任神仙天官上品即長生真

人也若欠闕不足即不得長生也中元主人
亦有三大將軍主領一千階籙註五百六十
階傳下世洞天中足二百四十八階出入世
世人得足者皆任大真官欠闕不足即不度
世也下元主地及水亦三大將軍主領一千
一百五十二階籙註八百七十二階傳下世
洞天中足五百五十階出人世世人得足者
皆任地仙也欠闕不足即不得延命壽託化
貴門也以為三統部領立三元將軍防衛於
內治身救人置三官主掌於外驅鬼使神制

約人物皆是三元五星之所主也皆秘於上
天正一之籙都有三千六百二十四階下界
修行之人知有其數者亦得入長生之位人
也何況受得傳留或流世足者便是仙人更
以修行十年之外白日上昇天真後聖君再
言人世有修行之士上元足者任爲天位
元足者任爲人中之仙下元足者任爲地仙
三元俱足者其任爲天仙之官真人之位功
滿白日拔宅上昇如世有師可一一依師口

言立誓及言不得違犯科盟犯即天罰三官

記錄不得為真人故言初受三五之法授受
不可妄行卿須教授初學者使依師約命行
用令後人繼代存師有靈有驗註後聖為道
陵之師陵日日思存不休如卧亦想如見捨
訣存之一年功力神通制伏妖祟鬼賊畏而
伏罪合死陵以放之思二不伏罪之者九陵以誅之
於是蜀川鬼獄之地為福德之鄉人鬼得恩
无不敬奉之時天地舉功後聖遷為三天正
一真人號三天大法師子孫繼代拔宅上昇
是其志心存想今傳授正一上清法師之功

應驗修行年數功滿舉家得道俱昇矣繼代
神通流出吾法謂之流珠此即是大道上足
弟子也若遇非人所見所聞問以虛言但以
不言皆以他對此即名金鎖故改神仙之正
法名金鎖流珠三五之法初受義也小王君
曰夫爲師之道先明其三五太一註太一者
本上清太玄之法也老君取名太一之經錄
定三等也正一後聖君再言正者正其心一
者通其道也註陸法師解正直其心從一取
道道之性无偏黨正直過心若能志節抱直

而行心性不生二三則道不離心性故經云
道生一是也其正一之名管通於三五之部
註上部上元中部中元下部下元五隨之上
部言上清中部言正一註正一言人身之事
故言居中元中部靈寶五符五嶽真形圖言
地上之法故合居下元下部是也下部言五
法是後聖君傳授之時有三部分付大王君
方平二百五十六號曰三元置三元齋註時
秦昭王四年正月十五日授度也茅君喜時
同七十卷而為仙人王君為真人而已分為

三元法錄註法是經无吏兵將軍神人形名
錄是天符書天之文管天之神符書赫弈形
影雰雰上則正於天中則正人制神下則檢
約地水龍鬼精妖之炁令歸正道也謂之天
地人上元約天通錄上清註上清經法符錄
皆屬上元所部形影三百六十階中元制神
助人遠通治病助國下元攝錄地水神鬼精
妖之炁役使神靈鬼精等祐人除斥災害之
法用下元之法也後聖君曰上元之法主天
官中元之法主人身中仙靈官也下元之法

思二

十

主地水中仙靈官也各有主將吏兵以約三
官中神鬼精妖令不爲人天崇害故上聖置
三五經圖正一之道註正一者正心取道更
无二三故名正一後聖君見其大道門戶稍
多後學者初心迷惑恐失其真性故止於太
上大道君前請改金錄玉錄經名教化下界
人民令一心敬信者入一門中精修便令得
道而取名曰正一此法者一向正心求修至
真不以邪見惑志以至功德得道不在捨妻
棄子不在絕穀棲山棄官隱世後令成道後

聖君三爲宰輔七百五十年仕殷周事六十
四天子而上昇爲上清太平金闕帝晨後聖
玄元玉皇上道君豈在山林之中棄捨妻子
絕穀隱世而得也

初受及修求門戶具前註初受上清法引老

思二

十一

君曰夫上清法者是上清高上至真至聖太
上大道君內玉籙金籙大法也以管上清太
上諸君丈人諸天帝君大神之官上仙真官
上靈官將軍兵士吏等百千億萬衆皆上清
經法籙之部使也初受時可齋戒七日告盟

天地日月星宿訖仍令別一道者啓告於保
舉師請保某身心謹直節志虔懇奉慕大道
萬里尋師註如近即云負笈尋師伏乞尊師
慈仁見照與某保舉凡身進啓某尊師門下
進受

上清玉籙云云等二十四階或三十六階得
恩賜許敢負違盟約七祖爲盟誓敢輕師負
道身謝三官以死無恨謹陳口啓未敢冒辭
再拜註如許即於傳度儀上具辭投辭訖一
一依師所破用而力所不辨即拜告請言此

物辨力所不及尊師放得即立壇三日三夜
陳告十方奏啓太上道君太上老君太平金
闕帝晨後聖玄元玉皇上道君三聖天尊皆
黃表赤文得告報後方始得授傳授傳皆依
儀法初受三註上中下三元也五註五星五

靈五行五聲五形五藏五指五頭五炁金鎖
流珠經云在天爲五星在道爲五靈在神爲
五行在樂爲五聲在地爲五嶽在人爲五藏
在手爲五指在法爲五頭在禁術爲五炁故
爲之三五一十五人之性命屬此五行也後

聖君告尹真人曰訣云人知受三五者各有其功隨師指受也志人依師師與依儀不違署付法訣授授如此之志皆得成道經云至道為師志人受道受極三元億劫長存受畢五星迴出長生神仙度世飛昇上清之法法

息二

十二

在他國亦往他國註經云明師上法在他方國土欲求身受者身不遠千里而求師不可苦請師來來亦非法也如若王命身不由心即禮請禮請不違科律法在靈山亦往靈山註後聖君告後聖大同馬曰卿學道仰貴

輕賤不可得道備卿之身夫道在於山事須
依山而受道在城市事須依城市而受道在
下愚微賤之人亦須依指示而投不得輕師
慢道言似有輕即夫人身而為下鬼者更不
復人身輕浮雖是下人之妻身且有道德卿
曾開膝下拜為師何忽失言輕笑他自責已
身罵以小年无知於庸下女人受三五及上
清等法痛之甚卿豈不有此言益司馬對曰
却是詢凡愚庸下及笑於師且衛輕浮今得
上真之位稱上天夫人詢至愚至凡宗眼无

識死罪伏願天尊大通道力見念令作何法
禮謝見捨其罪後聖君再告卿但於三五正
法帶佩於身本命日悔過謝其言之及甲子
日亦須謝過二年之內必當得道詢依言謝
之二年後聖君召為後宮南府大司馬主教

思二

十三

十天合得仙莫輕師之道後聖君再告尹真
人師若凡常其理亦不得言其師有過失況
其師有志道更不得失言亦便為試不過太
上遙見必加其罪罪書輕師師弟失神仙之
品退仙二階師亦退階慎之慎之老君曰夫

爲師傳受大道之法若自未究其道源通靈
通天地濟世之術有功即不合爲人師妄傳
至道令其繼代失道宗元彼此得罪不輕此
等天曹判輕泄之罪者黃帝時有南山君註
姓南名山君隱山有學知儒禮樂之典甚深

稱積德積仁深入大道之教棲山四十餘載
不出人間傳弟子一千人以名多忽聞上帝
勅令侍仙真人下勘其南山君曰責卿學道
師何人今傳道法於衆山君對曰師西山君
註姓西名山君今改姓白取白西義名西番

地於是真人令司命召西山子到又責曰卿
輒稱有道何德於天何德於地何功於人忽
傳至道於南山子傳衆百姓多以洩露天文
熏濁真聖烝穢天文且子身未通靈濟身未
得老病垂死忽爾度人太上大道君令我召
汝問其妄度人之由速須一一具說其由我
當上奏亦與子開正方便出過減罪西山子
對君以志心學道久隱山中本自修行後當
濟民而被南山子苦以膝行求受烝術并五
帝靈符註今真文是又五符是三皇內錄金

經註金鎖流珠是也玉籙註二十四道君玉

籙也參等三十六卷且臣昔於昊天氏邊受
得以代相繼不許妄為伏願天真哀救西君
洩露天書之過非敢妄不受而則自傳不相
代伏受正盜傳度之罪真人曰不道君妄傳

思二

十四

為受法自己未得通靈年限未滿何積違科
別无盜用之名據此罪亦合退仙子但言得
保舉人廣成君保無洩露即身得無過西山
君再拜稱死罪再謝真人上天宮啓太上適
罪也註若據如此即不可妄傳傳須得其理

依科也後聖君告天師曰卿繼代傳三五正
法上清真經內籙等周三元五靈註五靈法
中法周備中謂之五靈也畢即受真炁註炁
有三等上等三元爲之元炁上天爲大道文
法中等五行爲之真炁上天爲之武法下等
六甲謂之神炁天上人中地謂之一文一武
禁炁通神之力故學道初門爲神仙初品告
令後學人莫不先依之以受法籙周畢者受
此三等真炁以知修行之門得日日言功上
士功滿三千白日昇天包三元五行六甲七

星註星躡步天綱地紀法六法註正一三元
五行六甲七星八卦九宮六法俱管天地神
靈周遍无不伏心受驅使之俱周畢分旌分
節授劍訖即師分旌節名簡於洞府地戶九
仙宮之門註地戶仙宮正是括蒼洞天括蒼

息二

十五

山中是東正樂成西連括州南正永嘉北接
樂安是也師於門授畢書寫人間法錄經籍
靈書等法足即從六甲法中及躡步中修行
言功功滿白日昇如欲人間及本師言奏
給世上真官之位卿須繼代著書封入仙鄉

里貫一一上奏係天曹籍於是天師奉太上
之言封西蜀山二十四所爲治置治官以通
地戶九仙之意註天師云去東南地戶遠所
以封置蜀山請爲二十四治每治請係合昇
天仙一萬人以代地戶九仙宮之義當天師
在世時移地戶仙宮事於蜀判天師上昇後
又移於括蒼山東正洞天中判但地上有事
皆此官奏上天曹取報告天符即下老君告
東海東水陸仙母註水陸仙母彭夫人也彭
祖長女也初嫁王家十年夫亡再嫁孟家夫

又亡遂即清高尚心學道初見地蛇於塵中
行屈曲之路因以學曲行三步常往往行之
喜弄耳如此得七年忽見一女曰學步網也
對曰閑以亂行非爲步也因每日學蛇行所
以履之稍熟令人好行之非有心求道如此
妄行其豈有志心求道作此妖妄更令人心
修有何所益女子曰蛇步龍網捍辟不祥也
吾是西王母仲女也見母好步網受以躡地
紀之法與之母行一十四年昇東海東太上
封方丈山女居之爲水陸仙母令掌方丈及

海陸地女人求仙主教天使令所傳而成至
道曰汝世人也受仙師之教得仙在速汝教
世人須以傳其志人也亦令三五之法備周
直指其元令得在速非人勿傳之勿犯之當
退汝身今近代傳七女子皆得道後聖統仙

愚二

十六

總真王君曰從此卷向前是上元之法也

金鎖流珠引卷之三



